



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Onvphrii Panvinii Veronensis Fratris Eremitae
Augustiniani. De Praecipvis Urbis Romae
sanctioribusq[ue] basilicis, quas Septem ecclesias uulgo
uocant, Liber**

Panvinio, Onofrio

Romae, 1570

De aula quam nunc Salam Concilii uocant.

urn:nbn:de:hbz:466:1-11316

Ante quas proxime descripsi porticus, est cāpus Lateranēsis amplissimus, aquæ Claudie formas pertingens, in quo olim fuerunt multæ præclaræ domus: in his Cancellarij, Camerarij, Episcopi Albanensis, & aliorum, quarum adhuc vestigia, & parietinæ supersunt. Fuit etiam ibi antiquitus M. Aurelij ænea equestris statua, quam Xystus iij. è sordido loco in augustiorem in area ipsa reposuit; quam postremò Paulus ij. in aream transtulit capitolinam. Nō abre autem in Lateranensi area diu fuit M. Aurelij equestris statua, quum ipsum his in locis natum fuisse referat in eius vita Iulius Capitolinus.

De aula quam nunc Salam concilij vocant.

Si sinistra basilicæ Lateranēsis parte est porta, qua per aliquot marmoreos gradus ascenditur ad aulam amplā & spatiosam, quæ concilij sala hodie per nominatur. In cuius absidæ fornice est hoc signū L. O. E, id est, Leo Papa, qui musiveis signis ineptis eam ornauit. Hæc aula nostris temporibus Sala concilij dicitur, quod ibi primus (ut opinor) Eugenius iij. concilium celebrare disposuerit, & nouissime Iulius ij. celebrarit. Antiquitus ab amplitudine Casa maior, vel ab auctore Basilica Leoniana dicebatur, quam Leo Papa iij. pontificum Romanorum vsui construxit, & exornauit. In qua diebus quibusdam solennibus, ut Paschatis, & Natalis domini, Romani pontifices cum Cardinalibus prandere solenni ritu consueuerant. Eam (ut scribit Anastasius Bibliothecarius) Leo iij. renouauit. Accubitū enim (inquit) quæ Leo iij. papa à fundamētis construxerat, & multa in

eo necessaria ornamenta parauerat, et tunc præ uetustate, & prædecessorum suorum pontificū incuria deperdita fuerāt, idem Leo IIII. alacriter nimis oīa ea que deleta fuerant, renouauit. Ibi enim die Natalis domini Gregorius IIII. & Sergius II. papæ epulari solebant. Ita ille. Die uero Paschæ finita missa, quam Pontifex ad S. Mariam Maiorem celebrare solebat, coronatus cum processione ad Palatium reuertebatur; & acceptis laudibus a Cardinale S. Laurentij, ducebatur a primicerio, secundicerio, atque iudicibus cum mitra intra basilicam hanc magnam Leonianam, que dicebatur Casa maior, ubi eo die comedere solebat. Hoc innuere uidetur Oratio, que scripta est in zophoro absidæ maioris, sic.

DEVS. CVIUS. DEXTERA. BEATVM. PE-
TRVM. AMBVLANTEM. IN. FLVCTIBVS.
NE. MERGERETVR. EREXIT. ET. COA-
POSTOLVM. EIVS. PAVLVM. TER NAV-
FRAGANTEM. DE. PROFVNDO. PELA-
GI. LIBERAVIT. TVA. SANCTA. DEXTE-
RA. PROTEGAT. DOMVM. ISTA. ET. OM-
NES. FIDELES. CONVIVANTES. QVI. DE.
DONIS. APOSTOLI. TVI. HIC. LAETAN-
TVR.

In hac porro aula, que Leonina dicitur, legimus Nicolaum papā Concilio congregato Archiepiscoporum, Episcoporum, & Cardinalium, astantibus proceribus & optimatibus multis, restituisse ad dignitatem suam Ioānem Archiepiscopum Rauennatem, qui superbia ela-

rus ab Apostolica sede desciverat, & propterea ab eodem papa dignitate multatus fuerat, ut commemorat Anastasius Bibliothecarius.

De oratorio s. Siluestri.

Oratorium s. Siluestri est in porticu Lateranensi ante uetus patriarchium, ubi sunt duæ sedes perforatæ porphyreticæ, quod quis condiderit incertum. Primum de eo mentionē fieri in Zachariæ papæ uita apud Bibliothecariū inueni, qui sic scribit: Zacharias papa sacris imaginibus tā oratoriū B. Siluestri, quā omnē porticū decorauit. Hoc oratorium habet in medio altare uacuū, reliquijs (ut credi par est) plenū, tectū ligneum, & imbricatum, pauimentum tessellatum. Supra portā uero tabernaculum marmoreum sustentatum a duabus colūnis porphyreicis, in quo diu locata fuit uetusta s. Saluatoris imago, quæ a quodā Iudæo olim in frōte percussa sanguinē emisit. Hodie tabernaculū semifractum tātum superest. Paulo extra portam sunt duæ antiquæ sedes porphyreticæ perforatæ, una scilicet ex utraque parte, quæ in antiquis thermis lotionis usui fuere: postea a Romanis pontificibus eo loci positæ, in quibus cæremonias quasdam recēs creati peragere solebant. Nostro tempore, die S. Siluestri in eo Oratorio Canonici Lateranenses sacra missarū solennia celebrant. Erant in hoc palatio ædiculæ, siue sacella, & aliquot basilicæ, ut Vigilij papæ, Iulia, Zachariæ papæ: item oratoria S. Cæsarij martyris, S. Sebastiani, alias basilica Theodori papæ, S. Petri, S. Crucis, S. Georgij, & Sancti Gregorij Papæ: item
cellaris